



Disposizuns executivas tier la lescha d'energia

per la vischnaunca Lumnezia

Cuntegn

Art. 1	Disposiziuns generalas	3
Art. 2	Contribuziuns per projects	3
Art. 3	Contribuziuns per remplazzar apparats da tenercasa	4
Art. 4	Inoltraziun dalla damonda da contribuziun	4
Art. 5	Pagament	4
Art. 6	Entrada en vigur	5

Disposiziuns executivas tier la lescha d'energia per la vischnaunca Lumnezia

dils 08-12-2014, en vigur dapi ils 28-09-2014

La versiun actuala ei en vigur dapi igl 01-01-2025 (conclus dils 16-12-2024)

La suprastanza communal,

sebasond sin art. 3 dalla lescha d'energia dalla vischnaunca Lumnezia,

concluda

Art. 1 Disposiziuns generalas

Contribuziuns per promover il diever d'energias regenerablas sco era mesiras da spargnar energia vegnan concedidas a personas naturalas e giuridicas ch'ei abonentas d'energia sigl intsches dil provediment dalla vischnaunca Lumnezia. La promoziun succeda tenor ils criteris defini ella lescha d'energia dalla vischnaunca Lumnezia.

Art. 2 Contribuziuns per projects

¹ La vischnaunca Lumnezia conceda ina contribuziun per edificis da remplazzament tenor ils medems criteris sco il cantun Grischun (program da promoziun naziunal). L'altezia dallas contribuziuns da vischnaunca ei eguala allas contribuziuns dil cantun, denton cullas suandontas limitas maximalas:

▪ finiastras (mo en cumbinaziun cun ina sanaziun termica dallas preits)	CHF 1'000
▪ preits, tetgs, plantschius (isolaziun encunter temperatura externa)	CHF 2'000
▪ preits, tetgs, plantschius (isolaziun encunter stanzas buca scaldadas)	CHF 2'000
▪ implonts solars termics	CHF 2'000
▪ implonts da fotovoltaic (electricidad d'unviern)	CHF 2'000
▪ scaldaments da lenna (inclusiv pellets)	CHF 1'000
▪ scaldaments cun pumpa da calira (cun sondas)	CHF 1'000
▪ scaldaments cun pumpa da calira d'aria	CHF 1'000
▪ scaldaments cun ventilaziuns da confort	CHF 1'000

² Baghetgs novs cun caracter d'exempel (minergia-p) vegnan medamamein promovì tenor las contribuziuns dil cantun Grischun (program da promoziun naziunal) e quei cullas suandontas limitas maximalas:

▪ casas d'ina ni duas famiglias	CHF 3'000
▪ casas da pliras famiglias, per habitaziun	CHF 1'500

³ Auters remplazzaments ni midadas d'edificis vegnan buca susteni dalla vischnaunca Lumnezia. La damonda per ina contribuziun ei d'inoltrar ensemen culla damonda da baghegiar.

⁴ Per che la vischnaunca sappi decider davart las contribuziun per projects sto la confirmaziun d'entrada dil cantun Grischun davart il sustegn (program da promoziun naziunal) vegnir tarmessa enteifer 60 gis (bul d'entrada ni e-mail) suenter la damonda da baghegiar alla vischnaunca. Vegn quella tarmessa pli tard che quei termin vala la damonda da baghegiar sco incumpleta e vegn refusada.

Art. 3 Contribuziuns per remplazzar apparats da tenercasa

¹ Susteni vegnan ils suandonts apparats da tenercasa, sch'els adempleschan el minimum las suandontas classas energeticas:

▪ furnels	A+
▪ schelenteras e glatscheras	C
▪ maschinas da lavar giu vischala	B
▪ frestgeras (installadas e libras)	C
▪ maschinas da lavar resti	B
▪ tumblers	A+

² Sche las apparatus adempleschan las cundiziuns tenor alinea 1, vegn la suandonta contribuziun concedida:

▪ furnels	CHF 250
▪ schelenteras e glatscheras	CHF 250
▪ maschinas da lavar giu vischala	CHF 250
▪ frestgeras (installadas e libras)	CHF 250
▪ maschinas da lavar resti	CHF 250
▪ tumblers	CHF 250

³ Il singul tip d'apparat da tenercasa vegn sustenius mo ina gada enteifer 5 onns per la medema habitaziun. Ei sa vegnir susteniu il remplazzament da plirs apparats da tenercasa enteifer il medem onn, denton mo entochen ina summa totala da CHF 1'000 per onn e habitaziun. Las contribuziuns vegnan pagadas sulettamein per remplazzar apparats da tenercasa, denton buca per apparats da tenercasa en habitaziuns novas.

Art. 4 Inoltraziun dalla damonda da contribuziun

¹ La damonda per la contribuziun ei d'inoltrar alla vischnaunca cul formular corrispundent sco suonda:

- Tier contribuziun per projects; inoltrar la damonda per contribuziun ensemen cun la damonda da baghegiar (avon l'entschatta dallas lavurs) ed aschuntar la confirmaziun dalla damonda dil sustegn al cantun Grischun (program da promoziun naziunal).
- Per apparats da tenercasa; enteifer 30 gis sunter la cumpra cun il mussament dalla cumpra e l'indicaziun exacta dil tip d'apparat da tenercasa cun aschuntar il quen. Plinavon eis ei d'inoltrar l'etichetta originala d'energia che cumprova la classa energetica. Decisivs ei il datum d'entrada tier la vischnaunca Lumnezia (bul) e buca il datum dalla damonda.

² Damondas che entran tier la vischnaunca Lumnezia (bul) pli tard ch'ils termins indicai vegnan buca risguardadas resp. vegnan refusadas.

³ Excepiu la decisiun ufficala davart la contribuziun vegn menau negina correspondenza. La vischnaunca Lumnezia ei buca responsabla da far attents ils petents sche indicaziuns ni aschuntas mauncan. Senza las aschuntas tenor al. 1 b) vala la damonda da contribuziun sco incumpleta e vegn refusada.

Art. 5 Pagament

Las damondas da contribuziuns vegnan examinadas mintga quartal.

Il pagament dallas contribuziuns per las apparatus da tenercasa succeda enteifer 60 gis sunter la decisiun ufficala dalla vischnaunca Lumnezia. Tier las damondas per projects vegnan las contribuziuns pagadas ora sunter che las lavurs da costruziun ein finidas e la contribuziun dil cantun Grischun (program da promoziun naziunal) ei vegnida pagada.

Art. 6 Entrada en vigor

Questas disposiziuns executivas entran en vigor culla lescha d'energia dalla vischnaunca Lumnezia dils 01-01-2025.

Il president communal:

Daniel Solèr



L'actuara:

Silvana Caviezel